



Broj: 16-12-16-2-8934-*9* /15
I. Sarajevo, *18.12.* 2015. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-8934/15 od 11.12.2015. godine, u postupku javne nabavke opreme za deaktiviranje eksplozivnih naprava za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za LOT 1 i LOT 2 po Konkurentskom zahtjevu za dostavljanje ponuda za javnu nabavku opreme za deaktiviranje eksplozivnih naprava

Član 1.

Prihvata se preporuka Komisije za javne nabavke broj 16-12-16-2-8934/15 od 11.12.2015. godine po Konkurentskom zahtjevu za dostavljanje ponuda za javnu nabavku opreme za deaktiviranje eksplozivnih naprava za potrebe Državne agencije za istrage i zaštitu (u daljem tekstu: Agencija), za koji je obavještenje o javnoj nabavci broj 1161-7-1-1070-3-42/15 objavljen na Portalu javnih nabavki 24.11.2015. godine i kupoprodajni ugovor dodjeljuje se:

- a) za LOT 1 - nabavka jednog specijalizovanog kompleta alata za KDZ i jednog kontejnera /posude za prenos NUS/MES, ponuđaču "ATEX" d.o.o. Sarajevo, ponuda broj 16-12-16-2-8934-7/15 od 04.12.2015. godine, za ponuđenu cijenu 3.700,00 KM bez uračunatog PDV-a;
- b) za LOT 2 - nabavka deset kompleta zaštitnih antistatičkih odijela, ponuđaču "ATEX" d.o.o. Sarajevo, ponuda broj 16-12-16-2-8934-7/15 od 04.12.2015. godine, za ponuđenu cijenu 10.620,00 KM bez uračunatog PDV-a.

Član 2.

Ponuđač iz člana 1. ove odluke obavezan je ugovornom organu u roku od pet dana od dana prijama ove odluke dostaviti dokaz u ispunjavanju uslova iz tačke 3.1.1. i 3.1.3. Konkurentskog zahtjeva (original ili ovjerena kopija).

Član 3.

Prijedlog ugovora o kupoprodaji dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka objavit će se na web stranici Agencije, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke opreme za deaktiviranje eksplozivnih naprava za potrebe Agencija pokrenut je Odlukom broj 16-12-16-2-8934-1/15 od 20.11.2015. godine. Predmet javne nabavke podijeljen je na LOT-ove, kako slijedi:

- LOT 1 – nabavka jednog specijalizovanog kompleta alata za KDZ i jednog kontejnera /posude za prenos NUS/MES u vrijednosti od 2.700,00 KM bez uračunatog PDV-a;

- LOT 2 – nabavka deset kompleta zaštitnih antistatičkih odijela u vrijednosti 10.200,00 KM bez uračunatog PDV-a, za potrebe Agencije, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva za dostavljanje ponuda, za koji je obavještenje o javnoj nabavci broj 1161-7-1-1070-3-42/15 objavljeno na Portalu javnih nabavki 24.11.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-8934/15 od 11.12.2015. godine sa preporukom o izboru najpovoljnijeg ponuđača u postupku javne nabavke opreme za deaktiviranje eksplozivnih naprava za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 04.12.2015. godine do 13,00 sati, te da se ponude dostavljaju u zatvorenoj koverti, komisija je dana 04.12.2015. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj	Naziv ponuđača	LOT	Vrijednost ponude (bez PDV-a)
1.	“ATEX” d.o.o. Sarajevo	LOT 1	3.700,00 KM sa uračunatim popustom od 1.000,00 KM
		LOT 2	10.620,00 KM sa uračunatim popustom od 10%
2.	“SHOT” d.o.o. Zenica	LOT 2	10.400,00 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači "ATEX" d.o.o. Sarajevo i „SHOT“ d.o.o. Zenica, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti.

Pored kvalifikacionih uslova ponuđač "ATEX" d.o.o. Sarajevo ispunjava i formalno-pravne uslove postavljene u Konkurentskom zahtjevu. Uvidom u ponudu ponuđača "SHOT" d.o.o. Zenica, utvrđeno je da ista ne ispunjava formalno-pravne uslove iz Konkurentskog zahtjeva. Prema tački 5.5. Konkurentskog zahtjeva punuđači su bili dužni uz ponudu dostaviti prospekte, slike ili tehnički opisi opreme koja je predmet ponude. Komisija je utvrdila da dostavljeni katalog ponuđača „SHOT“ d.o.o. Zenica ne sadrži prospekt, slike ili tehnički opis jakne koju je ponuđač ponudio. Obzirom na naprijed navedeno ponuda ponuđača "SHOT" d.o.o. Zenica nije uzeta u daljnje razmatranje.

Komisija je u cilju ocjene tehničke i profesionalne sposobnosti ponuđača, od stručnih lica Sektora za operativnu podršku, aktom od 07.12.2015. godine tražila stručno mišljenje po pitanju zadovoljavanja postavljenih tehničkih uslova iz Konkurentskog zahtjeva, za ponuđača koji ispunjava kvalifikacione i formalno-pravne uslove. Aktom od 08.12.2015. godine Sektor za operativnu podršku je obavijestio Komisiju da ponuda ponuđača "ATEX" d.o.o. Sarajevo za LOT 1 i LOT 2 ispunjava tehničke uslove iz Konkurentskog zahtjeva.

Nakon finansijske ocjene dostavljene ponude ponuđača „ATEX“ d.o.o. Sarajevo, Komisija je utvrdila da ponuda navedenog ponuđača premašuje procijenjenu vrijednost nabavke za LOT 1 i LOT 2. Komisija je aktom od 08.12.2015. godine tražila mišljenje Sektora za materijalno-finansijske poslove po pitanju prekoračenja procijenjene vrijednosti nabavke. Sektor za materijalno- finansijske poslove je aktom od 10.12.2015. godine potvrdio da u budžetu Agencije postoje raspoloživa sredstva za realizaciju predmetne nabavke.

Nakon provednog postupka ocjenjivanja dostavljene ponude, uvažavajući mišljenja: Sektora za operativnu podršku i Sektora za materijalno-finansijske poslove, Komisija je konstatovala da je ponuda ponuđača „ATEX“ d.o.o. Sarajevo ocijenjena kao prihvatljiva za LOT 1 i LOT 2.

Shodno navedenom, prihvaćen je prijedlog Komisije i odlučeno da se predmetni ugovor o kupoprodaji opreme za deaktiviranje eksplozivnih naprava za potrebe Agencije za LOT 1 i LOT 2 dodijeli ponuđaču "ATEX" d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

